



24. marts 2009

Inatsisartut Suleriaasianni § 36, imm. 1 naapertorlugu Naalackersuisunut apeqqut imaattoq matumuuna nassiuppara:

Naalackersuisunut apeqqut: Sundhedmedhjælperit 2009-2010-mut sundhedsassistentitut Nunatsinni ilinniarteqqinneqareerpata peqqinissaqarfimmi sulisut naammattut pissarsiari-neqarsimalissappat? Tamatuma kingorna sundhedmedhjælperinik ilinniartitsineq ingerlateqqinniarnearpa?

(Jonathan Motzfeldt, Inatsisartuni ilaasortaq, Siumut)

Tungavilersuut:

Nunatsinni ilinniartitsineq anginerusoq silarsuarmi unammillerfioqisumi milliartunngilaq. Tamanna inuttut inuiaqataasutullu malittariaqarparput. Tamatumani aamma peqqinnissakkut siunissami isumannaannerusumik isumagineqarnissatsinnut atalluinnarput. Nakorsat ilinniarluarsimasut, immikkut ilinniagaqarsimasut, taamatullu napparsimasunik paarsisut isumaginnittullu ilinniarsimasamikkut ullutsinnut naleqquttunik naammassisaqarsimasut atortussaavavut. Tamanna pissusissamisoorpoq.

Ullutsinnili peqqinissaqarfimmi ajornartorsiutit qiviaraanni tassani sulisussaaleqineq napparsimasunik kiffartuussissalluni killiffigineqartoq malugisassaavoq arlaatigut nunatsinniit pimoorussamik aaqqiivigineqartariaqalersoq, tassalu napparsimasunik paarsisunik immikkut atorfissaqartitsineq.

Ilisimavarput peqqinnissamut qullersaqarfiup tamatumunnga killinnerput sapinngisani tamaat iliuuseqarfigisaraa, tamatsinnut toqqissisimanartumik.

Taamaattumik nukiit ajunngitsut siuliini taasakka nukittorsarumallugit ikiorsiiviginiarlugillu atorluarneqartariaqarput.

Inunnit minnerunngitsumik napparsimasunik sullissineq sulineruvoq inuttut inoqamminik inooqateqarnermi inooqatiginissinnaanermik piginnaassuseqarlutillu piumassuseqartut.

Peqqissaasunik amigaateqarnerujussuaq pillugu suleqatigiisitap suligasuartup Task Force-p majimi saqqummiussinissaa pissangalluta utaqqissavarput ilimaginaguli siunissami qanittumi sundheds-medhjælperit ingerlaannartumik atorfissaarutsinneqarnissaat, taamaammat paaserusunnarpoq taamatut suliffeqartussanik ilinniartitsinerit ingerlateqqinniarnearnersut.